

## Paul-ŋum Tugliat Tuyuutaiñ Thessalonica-ġmiunun

<sup>1</sup> Paul-miñ Silas-miñlu suli Timothy-miñ ukpiqtuanŋuruanun ittuanun Thessalonica-mi pigikkaŋi Agaayyutim Aapauruam suli Atanġuruam Jesus Christ-ŋum.

<sup>2</sup> Uvvatuq Agaayyutim Aapauruam suli Atanġuruam Jesus Christ qaitchiłisi ikuqaqutmik suli qiñuiññamik.

### *Atanniiviksraq Christ Aggiqpan*

<sup>3</sup> Aniqatiumaan! Agaayyun ataramik ilipsigun quyaraksraġigikput. Nalaunŋaruq uvaptikni taatnaġupta, takku ukpiqsrihiqsi atqunaq nautmuktup, suli piqpakkutihiqsi aglitmuktup avatmun atausriukattaqhusri.

<sup>4</sup> Taatnaqhuta Agaayyutim ukpiqtuanŋuruanŋiñun uqautigigipsi nanaqhusri qanuq sivutmuutiplugu iglutuihiqsi suli ukpiqsrihiqsi tumigigaluŋŋaan piyuaqsiuhiq suli nagliksaaqtitauhiq apqusraakkaqsi.

<sup>5</sup> Iluqatiŋ tamatkua nalupqinaiyaġaat Agaayyutim sivunniutaa piqatautlasripluŋsri aŋaayyuqautani nagliksaaqsiugaluanŋapsi.

<sup>6</sup> Uvvatakku Agaayyun atanniiluni nalaunŋaruakun, ilaan nagliksaaqtitkisiyai tamatkua nagliksaaqtitigikkasri.

<sup>7</sup> Ilipsi nagliksaaqtuani ilaan pitluutigisigaasri taputiluta qakugu Ataniq Jesus sagviqpan

qilaŋmiñ israğuliŋmiñik kamaŋaqtuamiñik piqasriğuni iknikun.

<sup>8</sup> Tamatkua naluruat Agaayyutmik suli tupik-sriŋğitchuat tusaayugaallautamik Jesus-mik Atannaptiknik ikniğmik anasriñŋuqsagisigai.

<sup>9</sup> Tamatkua piyaqquğvıŋmun isruilaamun anasriñŋuqsakkaugisirut, Atanğum sivuğaaniñ suli saŋŋianiñ kamaŋaqtuamiñ piğlugich,

<sup>10</sup> qakugu taivrumanı uvlumi aggiqpan, kamagikkauiksraq iñupayaamiñiñ unniñ kamagikkaullapiahksraq ukpiqsriuapayaaniñ akuqtuğiağlugu. İlipsipsuuq ukpiqsriğapsigun uqağikkaptiknik akunğugisirusri.

<sup>11</sup> Taatnaqhuta iniqsruutirağigipsi Agaayyutmun akuqtuyunaqsitquplusri iñuuniagvigitqukkanğun. Uvvatuq İlaan saŋŋimigun kimmutri iluqaan İhualksramun pisuiqsimaatlasriğun, savaaqsi ukpiksriğapsigun taŋiğlugu.

<sup>12</sup> Taatnağapsigun Jesus-ŋum Atannapta atigikkaŋa ilipsitñiñ kamagikkaugisiruq suli ilipsi İlaaniñ Agaayyutipta suli Atanğum Jesus Christ-ŋum İhuaqutrisaagun.

## 2

### *Iñuk Pigiğlaq*

<sup>1</sup> Aniqatiumaŋ! Piqutigiplugu Atannapta Jesus Christ-ŋum aggiğksraŋa suli uvagut katitauğksraqput İlaanun inigipsi,

<sup>2</sup> isrummatri qanuğviiğaqtitqunğitlugu qağanağlugu unniñ akatautqunğitlusri Atanğum uvlua tikiumaaniñiğlugu. Taamna uqaatauvaluktuaq sivuniksriqirit İlaŋatigun

unniñ kia quliaqtuaǵivalukkaña unniñ iñuich uqǵivaluñniǵaatigut taavrumiña tuyuuptikni aglañnipluta.

<sup>3</sup> Tamarrumuuna kimun-unniñ iñuñmun kin-nipkaǵumiñaitchusri, takku taimña uvluq tikitchumiñaitchuq kisanik Agaayyutim iǵluliugviksrataa aqulliq atuumagaluaqnagu suli Iñuk Pigiilaq sivuniqaqtuaq tammaǵviñmun sagviǵaluaqnagu.

<sup>4</sup> Taavruma Iñuum supayaaq iñuich agaayyutiqaǵniałhat suli isrummatipayaanat agaayyutikuǵiakun iǵluliǵisiyaa. Inmiñik inillakkisiruq iluqaanun qulliguguni unniñ Agaayyutim agaayyuvikpañanun isiǵuni suli aquvilluni agaayyutauniłuni.

<sup>5</sup> Itqǵingitpisiuñ tamarrumiña iluqaanik uqautianikiqsi ilipsitñi nayuuti'ama?

<sup>6</sup> Aglaan taamna pakma pirailiriquqtuq ilisimaanikkaqsi. Piviksraq nalauullugu taimña Iñuk Pigiilaq sagviǵisiruq.

<sup>7</sup> Pigiirrun quviqnaqsiplugu aullaǵniñaniktuq, aglaan atuummiruaksraq atuummiyumiñaitchuq kisanik tamarruma tigummisaa piǵaluaqtitnagu.

<sup>8</sup> Tarakña Iñuk Pigiilaq sagviǵisiruq, aasrii Atanǵum Jesus-ñum qanıǵmi anıǵniñanik tuqqutkisigaa piyaqquǵlugu sagviǵıǵmıgun kamanaqsıluǵu agǵıǵumi.

<sup>9</sup> Iñuk Pigiilaq tikitkisiruq sanñilik Tuunǵaǵmiñ qanusripayaanik quviqnaqtuanik iñiqtaqaǵuni, tañiǵılaanik qiñiqtichiluni kamagiraksrañitñıǵlu.

<sup>10</sup> Taavruma qanusripayaamik pigiilamik kinnıǵisıǵai. İliñich akuqtuiñǵiǵmıktıgun suli piqpaksrıñǵiǵmıktıgun ilumutuuruamik

anniqsuliksraġmiknun piyaqquġisirut.

11 Taatnaġlugich Agaayyutim sanġisilugu killukuakiksraġat ilipkaġisigaa, tanġilaamik ukpiqsritlasriġugich.

12 Taatnaġutin ukpiqsriñgitchuapayaat ilumutuulġmik quvianaqaġniaqtuat killukun piyaqquġisirut.

### *Piksraqtaanjurusri Anniqsulikramun*

13 Aniqatiumaan! Atanġum piqpagikkaġasri, uvagut Agaayyun ataramik quyagiraksraġigikput piqutigilusri. Uvvatakkun Agaayyutim piksraqtaaġiqqaġasri anniqsuliksramun Ipqitchuam Irrutchim sanġiagun suli ukpiqsriħapsigun ilumutuulġmik Agaayyutmun iħugitqplusri.

14 Taavrumunja piksraqtaaġigaasri tusraayugaal-lautaq tumigiplusu uqautigikkaqput ilipsitħun. Atannapta Jesus Christ-ħum quvianaħani piksraqsi piħħaktaġitqplusu, Agaayyutim tuqħuħasri.

15 Aniqatiumaan! Taatnaġusri makitaaġitchi payanaiġusri, suli tamatkununja ilumutuuranun ilisauttigikkaptiknun ilipsitħun iluqaakkun uqalħaptigunlu suli aġlaptigun tunħalusri.

16 Uvva Atannapta Jesus Christ-ħum inħmiħnik suli Agaayyutim Aapapta piqpagipluta suli iħuħqutriħiġmigun isruħlaamik araħtuutmik suli niġiugallautamik qaitħiħaħatigut.

17 Ilaantunq aragħiħich uumħatisri sanġisilusri atuiħksrapsigun nipiħalħksrapsigunlu iluqaħnik nakuuruamik.

### 3

#### *Iniqsruutiyumiiptigut*

<sup>1</sup> Aniqatiumaan! Suliuvva iniqsruutiyumiiptigut Atangum uqalha uvaptigun sivutmun iglikisrañagun sukasriñuni kamagikkauluni ilipsitñi pipmatun.

<sup>2</sup> Suli Agaayutmun iniqsruutiyumiiptigut annausimatquluta iñuñniñ pigiitchuapayaaniñ. Uvvatakku iñuich ilañich tusraayugaallautaq ukpiğingitchaat.

<sup>3</sup> Aglaan Atanguruuq tuniqsamaruq. Ilaan sanñipkağisigaasri pigiitchuamiñ annausrimalusri.

<sup>4</sup> Atangum nalupqisrunğisitkaatigut ilipsigun atuigisilipsitñik sivutmun uqagikkaptiknik ilipsitñun.

<sup>5</sup> Atanguruamtuq Agaayyun piqpagip-kallañniagliuñ suli Christ-ñum anuqsrutiaqatillañniaglisi.

#### *Savaktuksraupiaqtugut*

<sup>6</sup> Aniqatiumaan! Atannapta Jesus Christ-ñum atqagun tiligipsi, piisimaagumuusri aniqatiupayaaniñ iñuuniaqtuaniñ iqiasruukikun maligutchiñgitchuaniñlu ilisauttutunik qaisaptiknik.

<sup>7</sup> Ilipsi atuiruksrauñiqsi uvaptiktitun nalupqigingitchiksi. Ilipsitñi nayuuti'apta iqiasruktaunğitchugut.

<sup>8</sup> Nalailaamik akuqtuirilhiñaunğitchugut, aglaan savaktugut unnuaqtuummaan sakuukhuta akiyausrunğilikun kimununniñ sakuugutiqaqhuta.

9 Injilhiñaugaluaqhuta iñuuniutiksrapitnik iningitchugut, takku taavrumuuna ilipsitñi atrinuyummiuqhuta.

10 Tamanna uqautigikkaqput ilipsitñi innaptikni, kiñapayaaq savagutlaitpan nigiruksraungitchuq.

11 Taatna tusraarugut iñuñnik iqiasruuruanik akunnapsitñi ilaqağnipluſri suniurasruñaqatin aglaan iñuich atlat suhatnun ilagautniaqhutin.

12 Atannapta Jesus Christ-ñum atqagun taatnatchich iñuich tiligivut sulialğaqsruğivut iñuuniurallautaquplugich, nalaullogu iñuuniutiksrağniaquplugich.

13 Aniqatiumaan, aglaan ilipsi savaallautaq iñiqtuutraqtaksrağingitchiksi.

14 Taamani maligutchisungitchuamik uqautipitnik ukunani aglan, nalunaisitchumigiksi taamna iñuk piqaqpan. Piqatigisruñaqnagu, ilaali kannusruligumuug.

15 Uumigiritun irrutisruñaqnagu, aglaan aniqatitun alğaqsruğlugu.

### *Uqautipsaağutit*

16 Uvvatuq Atangum kanjuruam qinuiññaña atamik sukupayaaq qaitchilisi qinuiññaamik. Atangumtuq iluqasri nayuglisi.

17 Uvaña Paul aglakkitka nayaanat uvamnik. Tarra taatna ilitchuqqutaat uvaña tuyuutipayaagma, taatniittuq aglausiga.

18 Uvvatuq Atannapta Jesus Christ-ñum iluaqutrisaan iluqasri itqatigilisi.

